

欽定四庫全書

子部

普濟方卷三百五十七



南京中医药大学图书馆版权所有

普濟方

難

用

周王朱橚撰

主胎未轉動早已驚慌
禁忌所為將產坐卧處
若有觸犯多致災禍也

貝母丸 治橫產或顛倒胞衣不出毀傷不出產後餘

病汗出煩滿不止少氣滿逆 一名千金丸

貝母

煨黃

甘草

炙

秦椒

去目及閉口去汗

大豆黃卷

乾薑

炮

桂心

粳米

石膏

細研

黃芩

石斛

去頭各一兩

當歸

半兩

犬膏

細研

右為末用棗肉和丸如彈子大不拘時候以溫酒研

下一丸

金液丸

治將產忽見橫倒者因不能忌口恣情多食

五臟氣滯六腑不和胎氣既肥或用力太早胎受驚觸急服此藥兒身自順生矣

飛生毛

火燒成灰用一錢

血餘

用男子髮燒灰

硃砂

半錢別研

公母羊糞

燒灰各半錢

竈中心土

一兩

黑鉛

三錢用水銚子火上鎔投水銀半錢攪成砂傾出細研

右為細末用粽子為丸如菉豆大遇難產時急以

倒流水吞下五丸兒身自順則正產子母活矣一方

五月五日合尤妙勿令鷄犬婦人見

滑石散 治橫產逆產危急方

葵子 滑石末 各一兩

石為末每服五錢至一兩煎蠶退灰湯調下

治橫倒產者或先出手足者

明阿膠 炒一方用酥 滑石末 各一兩 葵子 二合

右取水二盞煎一盞去滓分二服

治橫產及手足先出者

取梁上塵竈突墨酒服之

又方

取車釭中脂書出字於兒腳下一方畫腋下及掌
心

催生鈆丹 治橫逆難產

以黑鈆一錢用小銚子火上鎔投水銀二錢急攪
成砂子傾出用熟絹紐出汗衫角紐作九子如菜
豆大臨蓐香水吞下二九一云胎前數證危急產
後亦然此藥可預為備急

龍蛇散 治橫產逆產

以蛇蛻入碓子內鹽泥固濟燒存性為細末每服
二錢榆白皮煎湯調下凡產不順手足先見者溫
酒一錢仍用傅兒手足即順又治吹乳

療橫產及側手足先出

右可持麤針刺兒手足入二分許兒得痛驚轉即

縮自當順產

治橫產逆產

如小兒手足先出將父名書脚心上隨即順生
又將兒脚心搔抓亦妙

治橫倒產手足先出法

以水牛尿塗母腹上即便順產

又方

以三姓鷄卵各一枚三姓鹽各一錢三姓水共一
大盞相和煮五七沸分二服令母面向東服之妙

又方

用蘧麥二兩剉以水一大盞煎六分去滓分二服
又方

燒錢二七文令赤投一杯酒中候冷飲之

倒產法

橫倒逆產條目雖分方藥之類可參酌相當隨意
救之若兒先出脚即以湯和鹽塗之并塗母腹塗
兒脚後急以手搔之兒生手出取馬鷄血塗於手
掌上良天制順此三字相連成一符應產不如常

者朱書服上并書紙上水吞之

治難產及不順產立効方

右乞取三家飯著手中即順產甚効

治產婦橫產

用草麻子三十箇研爛婦人頂上剃去髮少許藥
塗之須臾覺腹中提正便刮去藥却於脚心塗之
自然順產也

治倒產難產方

用厚蠶子燒末飲服三錢

治橫產不可出

用車前子末酒服二錢匕

治婦人橫產

用鐵杵若無杵則將利斧燒令通赤乘熱入好酒

內服之須臾即順生矣

治橫產倒產

用葵子花為末酒服之方寸匕

治橫產

以菟絲子為末酒調下一錢匕米飲調亦得

治橫產不可出

用梁上塵以酒服方寸匕亦治倒產

治婦人倒產

以麻子吞二七枚即正

治倒產手足冷口噤

以冬葵子炒令黃搗末酒服二錢匕則順

產難子死腹中

夫產難子死腹中者多因驚動太早或觸犯禁忌致令
產難皆因穢汚先下產時未到穢露已盡而胎枯燥故
子死腹中其後產母舌青黑及胎上冷者子已死也故
產處坐卧須順四時方面并避五行禁忌若有觸犯多
招災禍也胞衣未出危於胎之已降子死腹中危於胞
之未下盖胞胎未下子與母通其呼吸若子死腹中胞
臍氣寒胎血凝聚由於子死氣不升降所以難產不觀古

之方論多以行血順氣之藥及消石水銀硃砂之類蓋胎死則血凝氣聚不能轉動再服至寒之藥不惟無益而害母命者有矣然古人用藥不能無意但後覺不分爾子死理有二端用藥寒濕各從其宜有妊娠崩漏血盡子死者有緣顛撲內傷子死者有緣久病胎萎子死者若此之類須令坐人提繫妊婦使身體平正仍以裯褥自腰抵定令仰坐開足向地如欲產勢便進附子湯三服方見于後即以衣裹溫瓦數片三二人不住手自

臍腹腰脇左右周回熨之使胞藏溫煖凝血流動蓋附
子湯內能破寒墮胎服之少頃覺腹內痛陣連作惡血
漸動良久必產此用溫藥之意也有妊婦因傷寒熱病
溫瘧之類胎受寒邪熱毒氣內外攻逼因致死胎不即
下留於胞藏古人慮胎受毒氣必致貽害故能使死胎
化成腐爛隨惡血行下此用寒藥之意也臨產更令坐人
以手墊體後胎有橫有逆有死有生以意治之庶免留
難凡生產之理胎活則所懷之子日月已周臍繫不牢

所以自下猶實果既熟不候剪伐若胎死日月未足臍繫
尚固猶之果實未熟本質雖枯不折不離所以難治行
之有法用之有度斯無虞矣凡審死胎當宜熟辨有妊
婦緣病胎隱伏不動難忍存亡者宜先令坐人以煖手
就臍下款款按至胎處覺冷應是胎已死稍溫即非更
看妊婦外證面青舌冷舌下脉青黑者皆子死之候也

方

真珠湯

熟真珠

一兩

榆白皮

一升

右二味以苦酒三升煮取一升頓服之死胎立出

治妊娠未足月胎卒死不出產母欲死方

以苦酒濃煮大豆每服一升胎立出不能頓服分
為二三服亦可兼治積聚成瘕

治胎死腹中若母病欲下之方

取榆白皮細切煮濃三升服之即下難生者亦佳

蘧麥散

治妊娠三五箇月胎死在腹內不出